



Synfocity = 923

mail us at : mzsynfo@gmail.com; mizoramsynod@gmail.com - Phone - 2314648

February 8, 2024

☐ **Synod Ramthar Board vawi 181-na**

February 7, 2024 (Nilaini) chawhma dar 10 khan Synod Ramthar Board meeting vawi 181-na chu J.M Lloyd Hall-ah an th̄u a, member 72 an kal.

Meeting hi Synod Moderator, Rev. R. Vanlalngjakan a kaihrui a, Board Secretary Rev. R. Lalmingsangan report a pe a, report-ah Masihi Sangati Director thar neih a nih thu te, Masihi Sangati hnuai Evangelist tur mi 10 lak thu leh tirh chhuah an nih tawh thu te, Contract Missionary 33 lak an nih thu te, Presbyterian Hindi Bible School Batch 72-naa zir tur lak a nih thu te, nikum 2023 chhunga field hrang hranga belhtu thar 10,107 an awm thu te, MDTC Graduation day hman a nih thu te tarlan a ni.

Tun tumah hian thu ngaihtuah tur 12 chhawp chhuah a ni.

☐ **Synod Hospital Board vawi 146-na**

February 8, 2024 (Ningani) chawhma dar 10 khan Synod Hospital Board meeting vawi 146-na chu J.M Lloyd Hall, Synod Office-ah an th̄u a, member 44 an kal.

Meeting hi Synod Moderator Rev. R. Vanlalngjakan a kaihrui a, hming lamna neih a nih hnuah Board Secretary Dr. Lalthakiman report a pe a, report-ah chuan January 2024 atanga pension-a chhuak mi pasarih awm thu te, Nursing Service leh Nursing College kalpui dan tur ruahman a nih thu te, Damlo mi 65-te awm man bat ₹ 26,22,624 chu Charity sum atanga peksak a nih thu te, Mobile Clinic neih a nih thu te leh January 2024 chhunga thilpek hrang hrang dawn te tarlan a ni.

Tun tumah hian thu ngaihtuah tur 13 chhawp chhuah a ni a, Medical Superintendent ruat chungchang te, Senior Sister post ruak hnawh khah chungchang te, Synod Hospital ICU room renovate leh tihzauh chungchang te chu a langsar zual a ni.

☐ **Synod Mission Board**

◆ **Assam Mission Field**

February 4, 2024 (Pathianni) khan belhtu thar pakhat a awm.

◆ **Nepal Mission Field**

February 4, 2024 (Pathianni) khan belhtu thar pasarih an awm.

◆ **Arunachal & Assam Mission Field (West)**

February 4, 2024 (Pathianni) khan belhtu thar pathum an awm.

◆ **Karbi Anglong Mission Field**

February 4, 2024 (Pathianni) khan belhtu thar panga an awm a, February 5, 2024 (Thawhtanni) khan belhtu thar pali an awm.

◆ **Delhi Mission Field**

February 4, 2024 (Pathianni) khan belhtu thar pahnih an awm.

◆ **Cambodia**

February 4, 2024 (Pathianni) khan belhtu thar pakhat a awm.

◆ **Zin**

February 6-13, 2024 chhung hian Jharkhand leh Odisha Mission Field-a Mission School hrang hrangte tlawhin Pu K. Lallianzuala, Supervisor of Schools a kal.

☐ **KTP**

February 5, 2024 (Thawhtanni) chawhnu dar 2:00 khan Central KTP hruaitute leh Excise Department hotute an inkawm. Inkawm honaah hian ruihhloin thalaite a tihbuai nasat tawhzia leh, sawrkar leh Kohhranhote thawh ho a th̄uzia te sawiin, Excise Minister chuan thawhho puiah Central KTP hruaitute a sawm a, Central KTP hruaitute pawhin a theih ang anga ruihhlo do chungchanga sawrkar nena thawkho tura an inhuam thu an sawi.

❑ **Kohhran Hmeichhia**

February 2, 2024 (Zirtawpni) chawhnu dar 2:30 khan Kohhran Hmeichhe Rorel Inkhawm thlengtu puihna ₹ 2,50,000/- chu Dawrpui Kohhran Committee Room-ah Pi Zothanpari, Kohhran Hmeichhe Inkhawmpui Lian Chairman-in Dawrpui bialtu, Pastor F. Lalhmingthanga hnenah a hlan.

❑ **Bial Kohhran Hmeichhe Inkhawmpui**

February 9-11, 2024 chhung hian Bial hrang hrangah Bial Kohhran Hmeichhe Inkhawmpui neih a ni dawn a. February 9 (Zirtawpni) zanah Palai lawm leh report inkhawm a ni ang a, February 10 (Inrinni)-ah Rorel a ni ang a, zanah vantlang Pathian Biak inkhawm neih a ni ang a. February 11 (Pathianni) chawhma, chawhnu leh zanah Inkhawmpui hi neih chhonzawm a ni ang.

Inkhawmpui hman dan tur hi Bial Hmeichhe Committee-in ngaihtuahin a remchan dan anga hman thin a ni a, churang chuan bial hrang hranga inkhawmpui hman dan pawh a inang vek lo va, Bial thenkhatah thupui thlan bik neiin speaker ten an sawi thin a, bial thenkhatah chuan bial hruaituten an insawi chhawk chang pawh a awm thin. Kristian Chhungkua leh Buhfaiṭhama inelna lawmman hrang hrang sem thin a ni bawk.

Bial inkhawmpui hmanpui hian Kohhran Hmeichhia Central Committee member-te hmun hrang hrangah hetiang hian an kal ang:

- Teikhang Bial - 1. Pi Zothanpari, Chairman
2. Pi. J.H. Lalpekthangi
3. Pi Lalthangmawii
- Chawngte 'P' Bial - 1. Pi Lalmuanzuali, Asst. Secretary
2. Pi Lalhmingmawii
3. Pi C. Thanṭhiangi
- Shillong Bial - 1. Pi R. Lalrempuii, Fin. Secretary
2. Pi Lalnunhlimi
3. Pi Tlangthanpari
- Phullen Vengthar Bial- 1. Pi Lalengzami,
2. Pi Laltlanthangi
3. Pi Lalthansangi
- Chalrang Bial - 1. Pi R. Lalnuntluangi
2. Pi C. Thanpari
- Zaite Bial - 1. Pi Lalchhingpuii
2. Pi K. Rosiamliani
- Hmawngbu Bial - 1. Pi A. Nazi
2. Pi K. Rinthianghlimi
3. Pi Lalbiakthangi

Sangau II-a LIKKB Kohhran Hmeichhe Pawl inkhawmpuinaah Pi H. Lalfakmawii, General Secretary leh Pi Lalngakliani, Asst. Coordinator, Kohhran Hmeichhia te an kal bawk ang.

Kohhran Hmeichhe inchhiarna hnunng bera a lan danin tun dinmunah kohhran hmeichhe member 1,92,490 an awm a, member tam berna bial chu Champhai Vengthlang Bial niin member 2,992 an awm a, member tlem berna bial chu Buarpui bial niin member 38 an awm a ni.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund aṭangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Pehlawn	In kang	1	₹ 12,000/-
2.	Tlangpui	Damlo	1	₹ 10,000/-
3.	Electric Veng	Damlo	1	₹ 10,000/-
4.	Tlangnuam West	Damlo	1	₹ 10,000/-
5.	Chhiahtlang Venghlun	Damlo	1	₹ 10,000/-
			Belh khawm	₹ 52,000/-

- ❑ **Zeme Naga Baptist Church ten Synod Office tlawh**
 Zeme Naga Baptist Church Tamenglong, Manipur atangin Mizoram Synod tlawhin anrawn zin a. Mizoram Synod hmunhma tlawha lo zinte hi mi 14 niin, Zeme Naga Baptist Church-a Men Society member-te an ni a, anmahni sensoa lo kal an ni. February 5 (Thawhtanni) khan an lo thleng a, Synod Office, ATC leh Hospital-te an tlawh a, February 7 (Nilaini) khan an haw leh a ni.
- ❑ **FM Zoawi - Aizawl & Lunglei : Hruaina Eng Radio Programme**
February 9, 2024 (Zirtawpni) @ 7:30 p.m. :
Solo : Zoramchhani - Lalpa a tha
Zaipawl : Bawngkawn Bial Zaipawl - Beiseina thar
Thusawi : Rev. H.L. Thianghlina - Thalaite leh tunlai khawvel
Solo : Hlimhlimi - Min pui ang che
- ❑ **Su Samachar Prasaran Programme :**
February 11, 2024 (Pathianni) 5:30 pm. :
Group/Choir/Solo : Himali Kohhran Zaipawl - Isu Mash tere Jeisa Koi Nahi
Group/Choir/Solo : Sihphir Bial Masihi Sangati - Yeshu Mashi
Sermon : Rev. James C. Lalremruata
Group/Choir/Solo : Siyon Swaram - Tere Charno
Group/Choir/Solo : Soni Lalnunsangi - Ashantima
- ❑ **Hruaina Eng TV Programme**
8.2.2024 (Ningani) 8:30 pm : Thupui Zir bing : Hun hnuhnung thu - Lal Isua lo kal lehna
9.2.2024 (Zirtawpni) 5:00 pm : Kristian Naupang Pual
10.2.2024 (Inrinni) 5:30 pm : Puitling Sunday School Zirlai
11.2.2024 (Pathianni) 8:00 am : Weekly round up
5:30 pm : Su Samachar Prasaran
12.2.2024 (Thawhtanni) 8:30 pm : Hruaina Eng Luang chhuak
- ❑ **Moderator leh Executive Secretary-te Programme:**
Rev. R. Vanlalnghaka : Moderator
 February 8, 2024 Hospital Board leh MPF committee
 February 18, 2024 Missionary tirh chhuah inkhawm - Leitan Kohhran
Rev. C. Zorammawia : Senior Executive Secretary
 February 9, 2024 Theological Education Board (TEB)
 February 10-11, 2024 Chhiahtlang Kawnveng Bial Kohhran Hmeichhe Inkhawmpui
 February 12-14, 2024 Finance programme - Kolkatta
Rev. V.L. Luaia Hranleh : Executive Secretary
 February 8, 2024 Hospital Board
 February 9-11, 2024 Dawrpui Vengthar Bial Kohhran Hmeichhe Inkhawmpui
 February 13, 2024 Synod Hospital Chawlhbuk hawn, Nursing College Managing Committee leh Hmangaihna In Committee
 February 14, 2024 Central Kohhran Hmeichhe Committee
Rev. Dr. K. Lallawmzuala : Executive Secretary
 February 10-11, 2024 Chawlhmun Bial Kohhran Hmeichhe Inkhawmpui
 February 18, 2024 Missionary tirh chhuah inkhawm - Leitan Kohhran
February 15-a Synod Finance Committee leh ni 16-a Synod Officers' Meeting (OM)-ah Moderator leh Executive Secretary-te an thu ang.

PATHIAN THU ZIR DUH TAN

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form	:	Office hun chhungin Rs.10/- a lei theih a ni
Dil hun chhung	:	April 26, 2024 (Zirtawpni) tlai dar 3:00 thleng
Dil thei chin	:	Class VII pass, kum 16 chin, Kohhran dan chhunga awm
Interview	:	April 30, 2024 (Thawhlehi) chawhma dar 10:00
Class tan hun	:	May 6, 2024 (Thawhtanni)
Zir hun chhung	:	May - August, 2024

Hrechiang duh tan Phone No. **8974613378/8296035491/9612174790**-ah zawhfiah theih a ni.

Sd/-

Rev. Lalrinsanga
Principal
Presbyterian Bible School

SYNOD H.S.S CLASS - IX ADMISSION NOTICE (2024-25)

Application form can be obtained from the school office from 8th February, 2024 during office hours.

Last date of submission	:	23rd February, 2024 (Friday) till 3:00 pm
Entrance Test	:	6th March, 2024 (Wednesday) from 10:00 am - 1:00 pm
Subjects for test	:	English, Mathematics & General Knowledge (40+40+20 marks. Eng. & Maths from Class-VIII course)
Publication of result	:	15th March, 2024 (Friday) 10:00 am at school notice board and school website www.synodhss.com
Date of admission for selected candidates	:	18th-20th March, 2024 (from 10:00 am - 3:00 pm)

Sd/-

Lalsiammawia Fanai
Principal
Synod Higher Secondary School

SYNOD BOOKROOM LEKHABU CHHUAK THAR - FEBRUARY, 2024

1. Presbyterian Handbook Revised Edition 2023:	₹ 100/-
2. Nitin Thlarau Chaw:	₹ 200/-
3. Albert Malsawmdawngliana Sermon-te: <i>Upa C. Chawngnuna</i>	₹ 150/-
4. Pathian Thu Sermon Sawmthum: <i>Upa R. Zatlai</i>	₹ 150/-
5. I Nihna Hruaitu: <i>Dr. Vanlalsiama Chhangte</i>	₹ 250/-
6. Ka Khualzin Kawng Leh Hmachhuan Ram: <i>Rev. B. Ropianga</i>	₹ 150/-
7. I Thu Ber Lo: <i>Dr. C. Lalhrekima</i>	₹ 350/-
8. Hlawhtlinna Thuruk: <i>V.L. Zaikima</i>	₹ 200/-
9. Raltiang Rimawi: <i>Lalhruaitluanga Chawngte</i>	₹ 310/-
10. Pu M. Suaka Durtlang Lal Chanchin: <i>M. Suaka thlahte</i>	₹ 300/-
11. Japanese-English-Mizo Translation: <i>R. Saikhuma leh Kouichi Ishiyama</i>	₹ 150/-
12. Imphal Mizote: <i>C. Chawngnuna</i>	₹ 300/-
13. Relthang Ka Dawn Zo Lo: <i>Captain L.Z Sailo</i>	₹ 200/-